



兩京新記  
附李嶠雜詠

1	4
604	
4	

全




門 4 曾 4  
號 604  
卷 4



兩京新記

兩京新記



兩京新記卷第一

唐 韋述 撰

卷首 京城之壯觀寺內有碑面文賀蘭敏之

殘闕 寫金剛經陰文寺僧懷仁集王羲之書寫太

宗聖教序及高宗述聖記為時所重

次東曰輔興坊東南隅金仙女官觀

景雲二年睿宗第八女西城公主及第九女

昌宗公主竝出家為立二觀改西城為金仙

昌宗為玉真仍以公主湯沐邑為二觀之口

制度造爲京城之華麗□

西南隅玉真女官觀

本工部尙書莘國公竇誕宅武太后時以其地爲崇先府景雲二年爲玉真公主立爲觀事源物制與金仙同此二觀南街東當皇城之安福門西出京城之開遠門車馬往來實爲繁會而二觀門樓綺榭聳對通衢西土夷夏自遠而至者入城遙望窅若天中

次南曰頒政坊南門之東龍興寺

貞觀五年太子承乾所立西北隅本隋之慧雲寺舊有佛殿今見在有鄭法輪之書跡十字街東之北建法尼寺

隋開皇三年坊人田通所立隋文帝初移都便出寺額一百枚於朝堂下制云有能修造便任取之通孤貧孑然唯有園堵之室乃發憤詣闕請額而還置於所居柴門甕牖上穿下漏時陳臨賀王叔教母與鄰居又捨宅以足之其寺□漸營建也

兩京雜記 二  
十字街北之東澄空尼寺

本工部尚書段綸之祖廟貞觀十七年立爲真空寺武太后改爲澄空寺

西北隅大崇福觀

本楊士宅咸亨中爲太平公主立有道士劉寶概者京兆三原人善講論爲時所重垂拱中卒御史中丞李嗣真臨弔哭賦詩申意

次南曰布政坊西門之南法海寺

本隋江南總管清水公賀稜華宅開皇七年

爲□沙門法海捨宅奏立爲寺因以法海爲名咸亨元年寺內有英禪師□□見鬼寺主沙門惠簡嘗日晚見二人行不踐地入英房中惠簡怪而問之英曰向秦莊襄王遣人傳語飢虛甚久以師大慈從師乞一餐并從者三百許人勿辭勞費也吾已報云後日晚食當來專相候也惠簡便以酒脯助之至時秦王果至侍從甚眾貴賤羅列食甚急謂英曰弟子不食八十年矣英問其故答曰吾生時

未有佛法地下見責功德吾但以放赦矜恤  
應之以福薄受罪未了受此一餐更口年矣  
因指坐上人曰此是白起此是王翦爲殺人  
多受罪未了又指一人云是陳軫爲多虛詐  
亦受罪未了英曰王何不從索食自受飢窘  
答曰慈心人少且餘人又不相見吾貴人又  
不可妄作禍崇所以然也因指酒脯曰寺主  
將來耶深有所媿臨去謂英曰甚媿禪師弟  
子有物在卽這相償城東通化門尖冢是弟

子墓俗人不知妄云呂不韋冢英曰往遭赤  
眉發掘何得更有物在鬼曰賊將麤物去好  
者深賊取不得今見在英曰貧道出家無用  
物處必莫將來言訖揖謝而去

北門之東濟法寺

隋開皇二年沙門法藏所立

十字街東之北明覺尼寺

本隋御史大夫裴蘊宅開皇中太保河間王  
弘立爲寺開皇七年鑄鐘未擊自鳴散騎常

侍元行冲以贊其事焉

東北隅右金吾衛西南隅胡祇祠

武德四年所立西域胡天神佛經所謂摩醯首羅也

次南曰延壽坊南門之西懿德寺

隋開皇六年刑部尙書萬安公李圓通所立神龍元年中宗爲懿德太子追福重加飾爲禪院內有大石曰重五百斤隋末鄆縣人開法通自終南社來法通少出家初極怯劣同

侶輕之乃發憤乞願壯健晝夜不捨後因晝寐樹下口中涎沫流出三升其母驚遽呼覺通曰忽夢大人遣三馱薊使通噉之適噉一馱便驚悟耳自爾健壯特異試舉大木石不以爲困此寺僧行戡本稱膂力通遂竊其袈裟舉堂柱以壓之行戡望見驚異盡力莫能取之通乃徐舉柱以取眾大駭通力兼百人時人咸伏以爲神力

次南曰光德坊東南隅京兆府廡

後魏武光四年置府內廨宇並隋開皇中制  
度其後隨事改作開元元年孟溫禮為京兆  
尹奏以贓贖錢脩理繕緝焉

西南隅勝光寺

本隋幽州總管燕榮宅寺西院有畫行僧及  
團花貞觀初中令王定所寫為京城所重  
十字街東之北慈悲寺

武德元年高宗為沙門曇獻所立初曇獻屬  
隋隋末饑饉常以賑給貧乏為事故以慈悲

為名

次南曰延康坊西南隅西明寺

本隋尚書令越國公楊素宅大業中素子玄  
感誅後沒官武德初為萬春公主宅貞觀中  
賜濮恭王恭王死後官市立寺寺內有楊素  
舊井玄感被誅家人以金投井後人窺見鉤  
汲無所獲今寺眾謂之靈井在僧廚院內初  
楊素用事隋朝奢僭過度制造珍異資貨儲  
積有美姬本陳太子舍人徐德言妻即陳主



兩京新記  
叔寶之妹才色冠代在陳封樂昌公主初與  
德言夫妻情義甚厚屬陳氏將亡德言垂泣  
謂妻曰今國破家亡必不相保以子才色必  
入帝王貴人家我若死幸無相忘若生亦不  
可復相見矣雖然共爲一信乃擊破一鏡各  
收其半德言曰子若入貴人家幸將此鏡合  
於正月望日市中貨之若存當冀志之知生  
死耳及陳滅其妻果爲隋軍所沒隋文以賜  
素深爲素所寵嬖爲營別院恣其所欲陳氏

後令闍奴望日齎破鏡詣市務令高價果值  
德言德言隨價便酬引奴歸家垂涕以告其  
故并取已片鏡合之及寄其妻題詩云鏡與  
人俱去鏡歸人不歸無復姮娥影空餘明月  
輝陳氏得鏡見詩悲愴流涕因不能飲食素  
怪其慘悴而問其故具以事告素慘然爲之  
改容使召德言還其妻并衣衾悉與之陳氏  
臨行素邀令作詩敘別固辭不免乃爲絕句  
曰今日何遷次新官對舊官笑啼俱不敢方

驗作人難時人哀陳氏之流落而以素爲寬  
惠焉

東南隅靜法寺

隋開皇十年右武侯大將軍陳國公竇機立  
西院中有水浮閣機弟璉爲母成安公主立  
高一百五十尺皆伐機園梨木充用焉

次南曰崇賢坊十字街北之西大覺寺

開皇三年文帝醫人周子祭所立子祭家代  
方術深爲隋主所重其地本祭之佛堂也

西門之南法明尼寺

開皇八年長安富商王道賓捨宅所立

次南曰延福坊西南隅紀國寺

開皇六年獻皇后爲母紀國夫人崔氏所立  
也

東南隅鄴王府

舊新都寺寺廢今爲鄴王府

次南曰永安坊次南曰敦義坊次南曰大通坊

次南曰大安坊

坊南街抵京城之東面

右皇城西之十三坊

朱雀街西之第四街即皇城第三街街西從北第一曰安定坊東南隅千福寺

本章懷太子宅咸亨四年捨宅立爲寺

西南隅福林寺

武德元年所立

東北隅五通觀

隋開皇八年爲道士焦子順所立子順能驅

使鬼神受諸符錄預告隋文受命之應及即位授上開府永安公徐州刺史固辭常諮謀軍國出臥內帝恐其往還疲頓令選近於此立觀仍以五通爲名焉

次南曰休祥坊東北隅崇福寺

本開府儀同三司觀國公楊恭仁宅咸亨元年以武皇后外氏故宅立

東南隅萬善尼寺

周宣帝大象二年立開皇二年度周氏皇后

嬪御已下千餘人為尼以處之也

寺西昭成尼寺

先天二年為昭成皇后立為昭成寺

次南曰金城坊

本漢博望苑之地初移都割以為坊百姓分

地板築土中見金欲取便以事上聞隋文曰

此朕之金城之化因以金城為坊名

北門有漢戾園

即戾太子史良娣墓宣帝改葬於此其地本

曰亭

園東南漢博望苑

漢武帝為戾太子立本口門外道之東也

東南隅開善尼寺

隋開皇中宮人陳宣華蔡容華二人所立

西南隅會昌寺

義寧元年義師入關太宗頓兵於此武德元

年因立此寺

十字街之南東樂善寺

開皇六年尉遲迥孫大師為其祖所立焉

次南曰醴泉坊

開皇初築此坊忽聞金石之聲因掘得甘泉七所飲者疾瘳因以名坊及寺焉

西南隅三洞女官觀

隋開皇七年所立也

觀北妙勝尼寺

開皇三年周平原公主所立

十字街北之西醴泉寺

初隋文此置醴泉監以甘泉水供御開皇十三年廢監立寺焉

十字街南之東波斯胡寺

儀鳳二年波斯王畢路斯奏請於此置波斯寺

西北隅祇祠次南曰西市

隋曰利人市南北盡兩坊之地隸太府寺市內店肆如東市之制市署前有大衣行雜糅貨賣之所記言反說不可解識市西北有溝

池以為放生之所池側有佛堂皆沙門法成所造市署前有市令載敏碑蒲州司兵徐彥伯為其父也

次南曰懷遠坊東南隅大雲經寺

開皇四年文帝為沙門法經所立

寺內有二浮閣東西相值

隋文帝立塔內有鄭法倫田僧亮揚契丹畫跡及巧工韓伯通素作佛像故以三絕為名十字街東之北功德尼寺

隋開皇七年周宣帝女細要公主所立武德中移於此

次南曰

下關

成當往及經畢開元四年八十一卒給事中裴子餘為其碑文左衛長史郭謙光八分書之

次南曰永遠坊次南曰道德坊

隋有澄虛觀武德中廢

次南曰光行坊次南曰延祚坊

坊南街抵京城之南

右朱雀街西九坊

朱雀街西第二街此當皇城南面之含光門街

西從此第一曰太平坊西南隅温國寺

景龍九年煬帝為温主立寺內淨土院為京

城之最妙

西門之北定水寺

隋開皇十年荊州總管上明公楊紀為禪師

慧能所立

東南隅舒王口名宅

今為戶部尚書尹思貞居之

次南曰通義坊西南隅興聖尼寺

高祖潛龍舊宅武德元年以為通義宮六年

高祖臨幸大宴羣臣引見隣里父老班賜有

差貞觀元年立為寺高祖寢堂今見在景雲

二年寢堂前枯柿樹忽更生枝條鬱茂如故  
有勅封植焉

次南曰興化坊西南隅空觀寺

隋開皇七年右衛大將軍駙馬都尉洵陽公

元孝矩捨宅立

西門之北今邠王守禮宅

宅南隔街有邠王府

次南曰崇德坊西南隅崇聖寺

隋仁壽元年秦孝王俊捨宅所立

東北隅證果尼寺

隋開皇二年立

次南曰懷真坊西南隅御史大夫樂思晦宅次

南曰宣義坊次南曰豐安坊次南曰昌明坊次

南曰安樂坊

坊南街抵京城之南面

右朱雀街西第二街九坊

朱雀街西之第三街卽皇城西之第一街

南出安化門北出芳林門入苑



街西從北第一曰循德坊西北隅興福寺

本左領軍大將軍彭國公王君廓宅貞觀八年太宗爲穆皇后竇氏追福立制度華麗焉武太后移住東都至坊北隅牛住不行牽口益重其尼拜咒便動至都置於天堂供養後天堂災因是燼滅

次南曰通軟坊次南曰歸義坊全一坊隋蜀王秀宅

隋文帝以京城南面闊遠恐竟虛耗乃使諸

子竝於南郭立第時秀有寵封土殷富起第最華今周垣舊迹見在秀死後口宮今爲家令寺園

次南曰昭行坊

坊南街抵京城之南面

右皇城西之第二街之十一坊及西市朱雀街西第五街卽皇城西第三街街西從北第一曰修真坊

今坊之南門門扉卽周之太廟門板也

坊內有漢靈臺

漢平帝元始四年所立望雲物之所今餘趾

高五尺周迴一百二十步

次南曰普寧坊

南街西出通開遠門

坊西街有漢大學餘趾

其地本長安故城南安門之外焉

次東漢辟雍

漢元始四年所立

東南隅東明觀

明慶元年孝敬升儲所立規度口西明之制

長廊廣殿圖書雕刻道家館舍無以爲比觀

內有道士馮黃庭碑又有道士巴西李榮碑

永樂李正己爲其父也

十字街東之北靈化寺

隋開皇二年沙門善告所立其地本告之宅

講堂口有古冢不詳姓名高五丈僧徒射暮

口人儀仗偉然乘白馬著白袴褶翼從甚眾

或有墾掘冢土多見災異焉

西北隅秣祠次南曰義寧坊南門之東化度寺  
隋左僕射齊國公高潁宅開皇三年潁捨宅  
奏立爲寺時有沙門信行自山東來潁立院  
以處之乃撰三階集三十餘卷大率以精苦  
忍辱爲宗言人有三等賢愚中庸今並教之  
故以三階爲名其化頗行故爲化度寺寺內  
有無盡藏院卽信行所立京城施捨後漸崇  
盛貞觀之後錢帛金繡積聚不可勝數常使

名僧監藏供天下伽藍修理藏內所供天下  
伽藍修理燕涼蜀趙咸來取給每日所出亦  
不勝數或有舉便亦不作文約但往至期還  
送而已貞觀中有裴玄智戒行修謹入寺灑  
掃十數年間寺內徒眾以其行無玷缺使守  
此藏後密盜黃金前後所漸略不知數寺眾  
莫之知也口便不還眾驚觀其寢房內題詩  
云將軍遣狼口放置狗前頭自非阿羅漢誰  
能免作偷竟不知所武太后移此藏於東都

福先寺天下物口遂不復集乃還移舊所開  
元元年勅令毀除所有錢帛供京城諸寺修  
緝毀壞其事遂廢

西北隅積善尼寺

隋開皇十二年左僕射高穎妻賀拔氏所立  
其地本賀拔氏之別第

十字街東之北波斯胡寺次南曰居德坊

南街西出通金光門坊內隋有依法寶岸凝  
觀寺大業中口時凝觀寺有僧法慶口口口

口紵像未成恭死時寶昌寺僧大智同日亦  
卒三日口口去見官曹室殿上有一口口若  
王者見法慶在前有一像忽來爲殿上人曰  
慶口我口口何乃令死便檢之簿云慶食書  
而命未終殿上口口口給荷葉已終其年言  
訖而忽失所在大智便蘇眾異之乃往凝觀  
寺問慶時亦蘇說口口問遂不復能令每日  
朝進荷葉而拔齊時進口口知口終身周流  
請乞以成其口口今見在光天寺文渭南人

單道琮永徽中因病風瘡後便皆食具不復經口但噉土飲水以終其身時人謂口人口也

東南隅光天寺

口口口漢園丘餘趾光天元年改為光天寺西北隅普口寺

開皇七年突厥開府儀同三司鮮于遵義捨宅立寺傳口口磨帝西域胡人善咒術常咒枯楊使生枝葉

南門之西奉恩寺

本將軍尉遲樂宅神龍二年立為寺也

次南曰羣賢坊東門之南直長受坊西南隅長安縣廡

去府六里

南門之東永泰寺

神龍中中宗為永泰公主追福所立寺內東精舍有隋中大夫鄭法士畫釋迦滅度之變左口廊有滕王庫真李雅畫聖僧之跡也

北門之東大法寺

武德中左光祿大夫口遠所立焉

十字街西之北崇義寺

武德二年桂陽公主爲駙馬趙慈景所立焉

次南曰嘉會坊西南隅哀義寺

本隋大保吳武公尉遲剛宅初剛兄迴置妙象寺於故都城中移都後剛捨宅復立於此改名哀義寺其殿堂口宇竝故都舊寺之材木

十字街西之北靈安寺

武德三年高祖爲衛懷王玄霸所立

次南曰永平坊東門之北宣化尼寺

隋開皇五年周昌樂公主及駙馬都尉尉遲安捨宅立寺門金剛上人雍法雅所制頗有靈跡有一尼常傾心供養

口心尼寺

開皇八年宮者儀同宋祥捨宅所立也

十字街之北真化尼寺

開皇十年冀州刺史馮熾捨宅所立

東南隅中宗昭容上官氏宅

今爲南陽縣主所居之

次南曰懷德坊

口門之東舊有富商鄭鳳熾宅鳳熾肩高背曲有似駱駝時人號爲鄭駱駝其家巨富金玉資貨不可勝計常與朝貴遊往因是勢傾朝市邸店田宅遍滿海內其家男女婢僕口口玉食服用器物皆盡一時之口常嫁女娶

婦口請朝士拜常賓客數百人眾皆愕然不知孰是口婦又嘗謁見口高祖請市終南山山中每樹口絹一疋自云山樹雖盡而臣絹未竭事雖不行終爲貴賤之所驚後犯事流瓜州會赦還及卒後子漸以窮迫又有富商王元寶者年老好戲謔出入市里爲人所知時人以錢文有元寶字因呼錢爲王老焉

西南隅羅漢寺

開皇六年雍州牧楚公豆盧勣所立也口口

之先問周隋間房氏知名曰皆云是從祖從叔次日豐邑公相與公遠近亦云是族叔其人人大笑曰公是方相姪兒只可嚇鬼何為誑人自是大媿遂無矜誑矣

東北隅淨虛觀

開皇七年隋文帝為道士口呂所立呂御穀練氣故以淨虛為名

次南曰待賢坊

此坊隋初立天下諸州朝集使邸故以待賢

名之

東北隅會聖觀

開皇七年隋文帝為秦王孝俊所立

口南曰淳和坊東南隅隱太子廟次南曰常安

坊東南隅章懷太子廟

神龍中所立也

次南曰和平坊

坊內南北街之東築大莊嚴寺街西口總持寺



次南曰陽坊

坊西南即京城之西南隅也

半已東大莊嚴寺

隋初□□□三年爲獻后立爲禪定寺宇文  
愷以京城西有昆明池地勢微下乃奏於此  
建木浮圖高三百三十仞周匝百二十步寺  
內複殿重廊天下伽藍之盛莫與爲比大業  
末此寺有僧智興□□□□□□□  
十字街西之北辨才寺

本鄭孝王亮隋代舊宅亮于司空淮安王神  
通以開皇十年爲沙門智疑立此寺於羣賢  
坊以智疑辨才不滯因名寺焉武德二年移  
於此

東門之北慧日寺

開皇六年立本富商張通宅捨而立寺通妻  
陶氏常於西市鬻飯精而價賤時人呼爲陶  
寺寺內有九層浮圖一百五十尺貞觀三年  
沙門道□所立

次南曰崇化坊東南隅龍興觀

貞觀五年太子承乾有疾勅道士秦英祈禱獲愈遂立此觀垂拱中有道士成玄英長於言論著口老數部行於時也

東門之北經行寺

本長安令屈突蓋宅開皇十年邑人張緒市所立焉

西南隅淨樂尼寺

隋開皇六年所立

次南曰豐邑坊

南街西通口平門此坊多假賃方相送喪之具武德中有一人姓房好自矜門闕朝廷衣冠皆認以爲近屬有一人惡其如此設便云三途六趣聞此解脫時仲冬寒烈掌中凝口口口告倦後寺僧三果有元住待賢坊因從煬帝南幸忽成夢其妻曰吾至彭城不達病死生於地獄艱苦常備口今日初聞禪定寺智興師明鐘響徹地獄同受苦者一時解免

今得託生思報其恩口具絹與之妻覺不信  
又夢如初妻辭以家貧無所得絹答曰有吏  
枉得絹三十疋不合得用今吾將來置於後  
牀與是足矣妻驚覺持火照牀果得絹三十  
疋遂發哀持絹送寺數日而凶問至武德元  
年改爲莊嚴寺

半已西大總持寺

隋大業元年煬帝爲父文帝立初名禪定寺  
制度與莊嚴同亦有木浮圖高下與西浮圖

不異武德元年改爲總持寺今莊嚴總持卽  
隋文獻后宮之號二寺門額竝少詹事殷令  
名所書竹林傳云隋代所賜至今儼然  
右皇城西第三街之十三坊

兩京新記卷之五  
唐韋述撰兩京新記五卷宋史藝文志著于錄  
子偶得古鈔本一冊乃其第三卷而首又闕數  
紙焉卷尾題云寫金澤文庫本則是書之流播  
此間舊矣但其不完殊為可惜已彼中撰著援  
引此書者絕罕唯宋程大昌雍錄明郎瑛七修  
類稿嘗一及之而其他無見也則疑其佚於彼  
焉及讀清人朱彝尊書熙寧長安志後云東西  
京記世無完書乃識其書雖存而非完本矣安

題兩京新記後

唐韋述撰兩京新記五卷宋史藝文志著于錄  
子偶得古鈔本一冊乃其第三卷而首又闕數  
紙焉卷尾題云寫金澤文庫本則是書之流播  
此間舊矣但其不完殊為可惜已彼中撰著援  
引此書者絕罕唯宋程大昌雍錄明郎瑛七修  
類稿嘗一及之而其他無見也則疑其佚於彼  
焉及讀清人朱彝尊書熙寧長安志後云東西  
京記世無完書乃識其書雖存而非完本矣安

知彼之所佚非我之所存乎嗚呼唐代遺風傳  
世者罕斷簡賸策固在可珍況兩京當時之盛  
亦可因以概見則在好古者尤所宜珍尚焉者  
抑亦觀隻羽片鱗以想夫龍鳳之姿也已未秋  
八月小盡日天瀑識

李嶠雜詠

李喬雜詠

故中書令鄭國公李嶠雜詠百二十首序

登仕郎守信安郡博士張庭芳撰

嘗覽尊德敘能述古不作竊所企慕情發于中  
顧有闕於慎言誠見貽於尤悔者矣然夫禁雞  
雖謬周鼠徒珍猶遇兼金以答豈獨盧胡致哂  
頃尋繹故中書令鄭國李公百二十詠藻麗詞  
清調諧律雅宏溢逾於靈運密綴掩於延年特  
茂霜松孤懸皓月高標凜凜千載仰其清芬明  
鏡亭亭萬象含其朗耀味夫純粹罕測端倪故

燕公刺異詞曰新詩冠宇宙斯言不佞信而有  
徵於是欲罷不能研章摘句輒因註述思鬱文  
繁庶有補於琢磨俾無至於疑滯且欲啟諸童  
稚焉敢貽於後賢于時巨唐天寶六載龍集強  
圍之所述也

李嶠雜詠百二十首上目錄

乾象部十首

日月星風雲煙露霧雨雪

坤儀部十首

山石原野田道海江河路

芳草部十首

蘭菊竹藤萱萍菱菰茅荷

嘉樹部十首

松桂槐柳桐桃李梨梅橘

靈禽部十首

鳳鶴烏鵲鴈鳧鶯雀雉燕

祥獸部十首

龍麟象馬牛豹熊鹿羊兔

李嶠雜詠卷上

乾象部十首

日

日出扶桑路遙昇若木枝雲間五色滿霞際九  
光披東陸蒼龍駕南郊赤羽馳傾心比葵藿朝  
夕奉堯曦

月

桂生三五夕冀開二八時分暉度鵲鏡流影入  
蛾眉皎潔臨疏牖玲瓏鑿薄帷願陪北堂宴長



賦西園詩

星

蜀郡靈槎轉豐城寶氣新將軍臨北塞天子入西秦未作三台輔寧爲五老臣今宵穎川曲誰識聚賢人

日出風

落日正沈沈微風生北林帶花疑鳳舞向竹似龍吟月影臨秋扇松聲人夜琴若至蘭臺下還拂楚王襟

雲

大梁白雲起氛氲殊未歇錦文觸石來葢影凌天發烟煴萬年樹掩映三秋月會入大風歌從龍起金闕

煙

瑞氣凌丹閣空濛上翠微迴浮雙闕路遙拂九仙衣桑柘凝寒色松篁晴晚暉還當紫霄上時接白雲飛

露

李喬雜詠

卷上

二

滴瀝明花苑威蕤泣竹叢玉垂丹棘下珠湛綠  
荷中夜警千年鶴朝晞八月風願凝仙掌內長  
奉未央宮

霧

曹公之夢澤漢帝出平城則有丹山霧玲瓏素  
月明類煙霏稍重方雨散還輕儻入非熊絲寧  
思立豹情

雨

西北雲膚起東南雨足來靈童出海見神女向

山迥斜影風前合圓文水上開十旬無破塊九  
土信康哉

雪

瑞雪驚千里從風暗九霄地疑明月夜山似白  
雲朝逐舞花光散臨歌扇影飄大周天闕路今  
日海神朝

坤儀部十首

山

仙嶺鬱氤氳峨峨上翠氛泉飛一道帶峯出半

天雲古壁丹青色新花錦繡文已開封禪處希  
謁聖明君

石

宗子維城固將軍飲羽威嚴花鏡裏發雲葉錦  
中飛入宋星初落過湘燕早歸儻因持補極寧  
復想支機

原

王粲銷夏日江海起恨年帶川遙綺錯分隰迴  
阡眠廡橫周甸莓莓開晉田方知急難響長

在鵲鶴篇

野

鳳去秦郊迴鵲飛楚塞空蒼梧雲影去涿鹿霧  
光通草暗平原綠花明春徑紅誰言版築士獨  
在傅巖中

田

貢禹懷書日張衡作賦晨杏花開鳳眇菖葉布  
龍鱗瑞麥兩岐秀嘉禾九穗新寧知帝王力擊  
壤自安貧

道

銅馳分鞏洛 劔閣抵臨邛 紫微三千里 青樓十  
二重 玉關塵似雪 金穴馬如龍 今日中衢士 堯  
樽更可逢

海

習坎疏丹壑 朝宗合紫微 三山巨鰲踊 萬里大  
鵬飛 樓寫春雲色 珠含明月輝 會當添霧露 方  
遂眾川歸

江

日夕三江望 靈潮萬里迴 霞津錦浪動 月浦練  
光開 瀨似黃牛去 濤如白馬來 英靈已傑士 誰  
識卿雲才

河

河出崑崙中 長波接漢空 桃花生馬頰 竹箭入  
龍宮 德水千年變 榮光五色通 若披蘭葉檢 還  
沐上皇風

洛

九洛韶光媚 三川物候新 花明珠鳳浦 日映玉

雞津元禮期仙客陳王觀麗人玄龜方錫瑞絲  
字佇來臻

芳草部十首

蘭

虛室重招尋忘言契斷金英浮漢家酒雪麗楚  
王琴廣殿輕香發高臺晚吹吟汾河應擢秀誰  
肯訪山陰

菊

玉律三秋暮金精九日開榮舒洛媛浦香泛野

人杯蠹靡寒潭側萁茸曉岸隈今日黃花晚無  
復白衣來

竹

高聳楚江濱蕭條含曙分白花搖鳳影青節動  
龍交葉拂東南日枝捎西北雲誰知湘水上流  
淚獨思君

藤

吐葉依松磴舒苗長石臺神農嘗藥罷質子寄  
書來色映葡萄架花浮竹葉杯金堤不相識玉

潤幾年開

萱

履步尋芳草忘憂自結藜葉舒春夏綠花吐淺  
深紅色湛仙人露香傳少女風含貞北堂下曹  
植勳文雄

萍

二月虹初見三清蟻正浮青蘋含吹轉紫葉映  
波流屢逐明神薦頰隨旅客游既能甜似蜜還  
冀就王舟

菱

鉅野昭光媚東平春溜通影搖江浦月香引棹  
歌風日色翻池上潭花發鏡中五湖多賞樂千  
里望難窮

瓜

欲識東陵味青門五色瓜龍蹄遠珠履女臂動  
金花六字方呈瑞三仙實可嘉終期奉絺綌謁  
帝佇非賒

茅

楚國供王日衡陽入貢年  
麇包青野外鷄嘯綺楹前  
堯帝成茨罷殷陽祭雨旋  
方期大君錫不懼小巫捐

荷

新溜滿澄陂圓荷影若規  
風來香氣遠日落蓋陰移  
魚戲排細葉龜浮見綠池  
魏朝難接影楚服且同枝

嘉樹部十首

松

鬱鬱高山表森森幽澗垂  
鶴栖君子榭風拂大夫枝  
百尺條陰合千年蓋影披  
歲寒終不改勁節幸君知

桂

未殖銀宮裏寧移玉殿幽  
枝生無限月花滿自然秋  
俠客條為馬仙人葉作舟  
願君期道術攀折可淹留

槐

暮律移寒火春宮長舊栽  
葉生馳道側花落鳳

李嶠雜詩卷一  
廷隈烈士懷忠至鴻儒訪道來何當赤墀下疏  
幹擬三台

柳

楊柳正氤氳含煙總翠氛檐前花似雪樓際葉  
如雲列宿浮龍影春池寫鳳文短簫何以奏攀  
折爲思君

詞

孤秀嶧陽岑亭亭出眾林春花雜鳳影秋葉弄  
珪陰忽被夜風激遂逢霜露侵不因將入爨誰

爲作鳴琴

桃

獨有成蹊處紅桃發井傍含風如笑臉裊露似  
啼妝隱士顏應改仙人路漸長還欣上林苑千  
歲奉君王

李

潘岳閒居暇王戎戲陌晨蝶來芳徑馥鶯囀合  
枝新葉暗青房晚花明玉井春方知有靈幹特  
用表真人



梨

擅美玄光側傳芳瀚海中鳳文疏蜀郡花影麗  
新豐春暮條應紫秋來葉早紅若今逢漢主還  
冀識張公

梅

院樹斂寒光梅花獨早芳雪含朝暝色風引去  
來香舞袖迴春徑歌塵起畫梁若能長止渴何  
暇泛瓊漿

橘

萬里盤根植干株布葉繁既榮潘子賦方曉陸  
生言玉蘂含霜動金衣逐吹翻願隨潮水曲長  
茂上林園

靈禽部十首

鳳

有鳥自丹穴其名曰鳳凰九苞應靈瑞五色成  
文章屢向秦樓側頻過洛水旁鳴岐今已見阿  
閣佇來翔

鶴

黃鶴遠聯翩從鸞下紫煙翱翔一萬里來去幾  
千年已憩青田側來遊紫禁前莫言空警露猶  
冀一聞天

鳥

日路朝飛急霜臺夕影寒聯翩依月樹迢遞繞  
風竿白首何年改清琴此夜彈靈臺如可託千  
里向長安

鶴

不分荆山抵甘從石印飛危巢畏風急遠樹覺

星稀嘉逐行人至愁隨織女歸儻遊明鏡裏朝  
夕奉光暉

鴈

春暉滿朔方歸鴈發衡陽望月驚弦影排雲結  
陣行往還倦南北朝夕苦風霜寄語能鳴伴和  
隨入帝鄉

鳧

颯杳睢陽淚浮遊漢渚隈錢飛出井見鶴引入  
琴哀李陵賦詩罷王喬曳鳥來何當歸太液翔

集動成雷

鶯

芳樹雜花紅羣鶯亂曉空吟分折柳吹韻嬌落  
梅風寫囀清歌裏含啼妙管中遷喬若可冀幽  
谷響還通

雀

大厦將成日嘉賓集杏梁銜書表周瑞入幕應  
王祥暮宿空城裏朝遊縵水傍願齊鴻鶴志希  
逐鳳凰翔

雉

白雉振朝聲飛來表太平楚郊疑鳳出陳寶若  
雞鳴童子懷仁至中郎作賦成幸君看飲啄耿  
介獨含情

燕

天女伺辰至玄衣澹碧空羌池沐時雨飄颺舞  
春風相賀雕楹側雙飛翠幙中莫驚留不去猶  
冀識吳宮

祥獸部十首

龍

銜燭耀幽都含章擬鳳雛西秦飲渭水東洛薦  
河圖帶火移星陸騰雲出鼎湖希逢聖人步庭  
闕奉晨趨

麟

漢時應祥開魯郊西狩迴寄音中鐘呂成角喻  
英才畫象臨仙閣藏書人帝臺莫驚今吐哺爲  
覩鳳凰來

象

鬱林開郡畢睢陽作貢初萬推方演夢惠子正  
焚書執燧奔吳域量舟入魏墟六牙行致遠千  
葉奉高居

馬

天馬來從東嘶驚御史聽蒼龍遙逐日紫燕迴  
追風明月承鞍上浮雲落蓋中得隨穆天子何  
暇唐成公

牛

商歌初入相燕陣早橫功欲向桃林下先過梓

李山齋詩 卷一  
樹中在吳頻喘月奔楚屢驚風不降五丁士如  
何九折通

豹

車法肇隆周麗文闡大猷還將君子變來蘊太  
公謀委質超羊鞞飛名列虎侯若今逢霧露長  
隱南山幽

熊

導洛宜陽右乘春別館前昭儀匡漢日大傅邲  
周年列射三侯滿興師七步旋莫言舒紫褥猶

冀飲清泉

鹿

涿野開中冀秦原闢帝圻柰花開舊苑萍葉吐  
前詩道士乘仙日先生折角時方懷丈夫志抗  
手別心期

羊

跪飲懲澆俗行驅夢逸材仙人擁石去童子馭  
車來夜玉含星動晨毛映雪開莫言鴻漸力長  
牧上林隈

李喬雅永

卷上

古

兔

上蔡鷹初擊平岡兔不稀目隨槐葉長形逐桂  
條飛漢月澄秋色梁園映雪暉唯當感純孝郭  
郭引兵威

李嶠雜詠百二十首下目錄

居處部十首

城門市井宅池樓橋舟車

服玩部十首

牀席帷簾屏被鏡扇燭酒

文物部十首

經史詩賦書檄紙筆硯墨

武器部十首

劔刀箭弓弩旌旗戈鼓彈

李嶠雜詠

卷下目錄

三

音樂部十首

琴瑟琵琶箏鐘簫笛笙歌舞

玉帛部十首

珠玉金銀錢錦羅綾素布

李嶠雜詠卷下

居處十首

城

四塞稱天府三河建洛都飛雲滿城闕白日麗  
牆隅獨下仙人鳳羣驚御史烏何辭一萬里邊  
徼拒匈奴

門

赫赫彤闈廠煌煌紫禁隈阿房萬戶列閭闔九  
重開疏廣遺榮去于公待封來誰知金馬路方

朔有奇才

市

闐闐開三市旗亭起百尋漸離初擊筑司馬正  
彈琴細柳龍鱗照長槐兔目陰徒知觀衛玉誰  
肯掛秦金

井

玉甃談仙容銅臺賞魏君蜀都宵映火杞國旦  
生雲向日蓮花淨含風李樹薰已開千里國還  
協五星文

宅

寂寂蓬蒿徑喧喧湫隘廬屢逢長者轍時引故  
人車孟母卜隣罷將軍辭第初誰憐草玄處獨  
對一牀書

池

日落天泉暮煙虛習池靜鏡潭明月輝錦積流  
霞景花搖仙鳳色雲浮濯龍影欲識江湖心秋  
來賦潘省

樓



百尺重城際千尋大道隈落星臨畫閣并幹起  
高臺舞隨綠珠去簫將弄玉來銷憂乘暇日誰  
識仲宣才

橋

烏鵲填應滿黃公去不歸色疑虹始見形似鴈  
初飛巧作七星影能圖半月輝卽今滄海晏無  
復白雲威

舟

征棹三江暮連檣萬里迴相烏風處轉畫鷁浪

前開羽客乘霞至仙人弄月來方今同傳說飛  
檝巨川隈

車

天子馭金根蒲輪辟四門五神趨雪路雙轍似  
雷奔丹鳳栖金轄非熊載寶軒無階忝虛左先  
乘奉王言

服玩十首

牀

傳聞有象牀疇昔薦君王璚瑁千金起珊瑚七

李山房詩  
寶裝桂筵含柏馥蘭籍拂沈香願奉羅幃夜長  
承秋月光

席

避坐承宣父重趨揖戴公桂香浮半月蘭氣襲  
回風舞拂丹霞上歌清白雪中佇將文綺色舒  
卷帝王宮

帷

久閉先生戶高褰太守車羅將翡翠合錦逐鳳  
凰舒明月彈琴夜清風入幌初方知決勝策黃

石遺兵書

簾

曉風清竹殿初日映秦樓曖曖籠珠網纖纖上  
玉鉤窗中月影入戶外水精浮巧作盤龍勢長  
從飛燕遊

屏

洞徹琉璃敞威紆屈膝迴錦中雲母列霞上織  
成開山水含春動遊仙倒景來脩身行謁節誰  
辨作銘才

李山房詩

卷下

四

被

桂友尋東閣蘭交聚北堂象筵分錦繡羅薦合  
鴛鴦桃李同歡密塵泥別恨長孔懷欣共寢花  
夢幾含芳

鏡

明鏡拂塵埃含情朗魏臺月中烏鵲至花裏鳳  
凰來玉形疑冰徹金輝似日開方知樂彥輔自  
有鑒人才

扇

翟羽舊傳名蒲葵實曉清花輕不隔面羅薄誰  
障聲逐暑含風轉臨秋帶月明還取同心契特  
表合歡情

燭

兔月清光隱龍盤畫燭新三星花入夜四序玉  
調辰吐翠依羅幌浮香匝綺茵若逢燕相國特  
用舉賢人

酒

孔坐洽良儔陳筵幾獻酬臨風竹葉滿湛月桂

香浮每接高陽宴屢陪河朔遊會從玄石飲高  
臥出圓丘

文物十首

經

漢室鴻儒盛鄒堂大義明五千道德闡三百禮  
儀成青紫方拾芥黃金徒滿籛誰知懷逸辨重  
席挫羣英

史

馬記天官設班圖地理新談玄方壘壘文質乃

彬彬方朔初還漢荆軻昔向秦正辭堪載筆終  
冀作良臣

詩

都尉雙鳧遠梁王駟馬來扇中紈素裂機上錦  
文迴天子三章傳陳王七步才緇衣行擅美祖  
德信悠哉

賦

布義孫卿子登高楚屈平銅臺初下筆平樂正  
飛纓乍有陵雲氣時聞擲地聲造端恆體物無

復大夫名

書

削簡龍文見臨池鳥跡  
訶河圖八卦出洛字九  
疇初垂露春花滿崩雲  
骨氣餘請君看入木一  
寸信非虛

檄

羽檄本宣明由來激木聲  
聯翩通漢國迢遞入  
燕營毛義奉書去張儀  
韜壁征頭風雖覺愈陳  
草未知名

紙

妙跡蔡侯施芳名古伯馳雲飛錦綺  
落花發縹紅披舒卷隨幽顯廉方合軌儀  
莫驚反覆手當取葛洪規

筆

握管門庭側含毫山水隈  
霜輝簡上發錦色夢中開  
鸚鵡摘文至麒麟絕句來  
何當遇良史左右振奇才

硯

李橋雜詠

卷下

七

左思裁賦日王充作論年光隨錦文散形帶石  
巖圓積潤修毫裏開冰小學前君苗徒見藝誰  
識士衡篇

墨

長安分石炭上黨作松心繞畫蠅初落含滋綬  
更深素絲光易染皂墨映逾沈別有張芝學書  
池幸見臨

武器十首

劍

我有昆吾劍來趨天子庭白虹時切玉紫氣早  
千星鏑上蓮花動匣中霜雪明倚天持報國畫  
地取雄名

刀

列辟鳴鑾至惟良佩犢旋帶環疑寫月引鏡似  
含泉割錦紅鮮裏含毫彩筆前莫驚開百練輒  
擬定三邊

弓

桃文稱避惡桑質表初生宛轉瓊韃際還如半

月明空響落鴈影虛引怯猿聲徒切鳥號思攀  
龍遂不成

箭

漢郊初飲羽燕城忽解圍影隨流水去光帶落  
星飛夏列三成軌堯沈九日暉斷蛟雲夢澤希  
爲識忘歸

弩

挺質本軒皇申威振遠方銅牙流曉液玉彩耀  
星芒高鳩行應盡玄猿坐見傷蘇秦六百步持

此說韓王

旌

告善樓臺側求賢市肆中擁旄分彩雉持節曳  
丹虹影麗天山雪光搖朔塞風方知美周政懸  
旃闔車攻

旗

桂影承宵月虹輝接曙雲縱橫齊八陣舒卷列  
三軍日蕩蛟龍影風翻鳥獸文誰知懷勇志盤  
地幾繽紛

戈

富父春喉日殷辛  
泛杵年曉霜含白  
刃落影駐  
瑯鋌夕儂金門側  
朝提玉塞前願隨  
龍影度橫  
陣葦雲邊

鼓

舜日諧鼗響堯年  
韻土聲向樓疑吹  
擊震谷似  
雷驚仙鶴排門起  
靈鼉帶水鳴樂云  
行已奏禮  
也冀相成

彈

俠客遠相望佳遊  
滿帝鄉共持蘇合  
彈來此傍  
垂楊金落疑星影  
珠流似月光莫欣  
黃雀至須  
憚微軀傷

音樂十首

琴

名士竹林隈鳴琴  
寶匣開風前中散  
至月下步  
兵來淮海曾為室  
梁岷舊作臺子期  
如可聽山  
水響餘哀

瑟



李山來言 卷下 十一  
蒼祗初制法素女昔傳名流水潛魚聽叢臺舞  
鳳驚嘉賓歡未極君子娛樂并儻入丘之戶應  
知由也情

琵琶

裁規勢漸團鑠質本多端半月分絃出叢花拂  
面安將軍曾入賞司馬屢飛歡唯有胡中曲希  
君馬上彈

箏

蒙恬芳軌設遊楚清音列形通天地規絃寫陰

陽節鄭音既寥亮秦聲復悽切君聽陌上桑爲  
辨羅敷潔

鐘

既接南鄰磬還隨北里笙平陵通曙響長樂驚  
宵聲秋至含霜動春歸應律鳴欲知恆待扣金  
簾有餘聲

簫

虞舜調清管王褒賦雅音參差橫鳳翼搜索動  
猿吟靈鶴時來致仙人幸見尋爲聽楊柳曲行

役幾傷心

笛

羌笛寫龍聲長吟入夜清關山孤月下來向隴  
頭鳴逐吹梅花落含春柳色驚行觀向子賦坐  
憶鄰人情

笙

懸匏曲沃上孤篠汶陽隈形寫歌鸞翼聲隨舞  
鳳哀歡娛自北里純孝卽南陔今日餘音奏  
瞻烏獸來

歌

漢帝臨汾水周仙去洛濱郢中吟白雪梁上纔  
飛塵歌發行雲駐聲嬌子夜新願君聽扣角當  
自識賢臣

舞

妙妓遊金谷佳人滿石城霞衣席上轉花袖雪  
前明儀鳳諧清曲迴鸞應雅聲非君一顧重誰  
賞素腰輕

玉帛十首

李嶠雜詠

卷下

珠

粲爛金琪側玲瓏玉殿隈  
昆池明月滿合浦夜  
光開彩逐靈蛇轉形隨舞鳳來  
誰憐被褐者懷寶自多才

玉

映廡先過魏連城欲向秦洛京  
連勝友燕趙類佳人芳圻晴虹媚  
常山瑞馬新徒為卞和識不遇楚王珍

金

南楚標前貢西秦識舊城  
祭天封漢氏擲地響孫聲  
向日披沙淨含風振鐸鳴  
方同楊伯起獨有四知名

銀

思婦屏輝掩遊人燭影長  
玉壺新下箭桐井舊安  
牀色帶長河色光浮滿月光  
靈山有玲瓏仙闕薦明王

錢

漢日五銖建姚年九府流天龍  
帶泉寶地馬列

李暉案言 卷一  
金溝趨壹囊初乏何曾筋欲收金門應入論玉  
井冀來求

錦

漢使巾車送河陽步障新雲浮仙石曉霞滿蜀  
江春色美迴文妾花輕縮墨賓若逢朱太守不  
作夜遊人

羅

妙舞隨裙動嬌歌入扇清蓮花依帳發秋月鑒  
帷明雲薄衣初卷蟬飛翼轉輕若珍三代服同

擅綺紈名

綾

金縷通秦國爲衾值漢君落花遙寫霧飛鶴近  
圖雲色帶冰綾影光含霜雪文何當畫秦女煙  
霧出氛氲

素

濯手天津女纖腰洛浦妃魚腸遠方至雁足上  
林飛礎杵調風響綾紈寫月輝非君下山路誰  
賞故人機

布

潔績創羲皇緇冠表素王  
曝泉飛掛鶴澆火有  
炎光孫被登三相劉衣闢四方佇因春斗粟來  
穆採花芳

李嶠百詠跋

李鄭公雜詠二卷或稱百詠或稱百二十詠  
皇朝中葉甚喜此詩家傳戶誦至使童蒙受句  
讀者亦必熟背焉以故諸家傳本不一而足在  
彼中則其詩雖散見諸類書各門而單行本後  
世蓋軼矣及康熙中編全唐詩而雜詠亦存乎  
其中然佚數句者甚多豈拾掇諸書所載以裒  
錄者歟唐書藝文志云李嶠雜詠十二卷疑誤  
羨十字宋史藝文志作李嶠新詠一卷則識已

非其舊矣新字恐是雜字因形似譌耳予所覽  
數本而唯此本最係古膽其爲唐時監本不容  
疑焉故校而傳之己未小重陽日天瀑識

張庭芳序撰於作註時朗詠集註往往引百  
詠註而今已亡爰據原本仍冠其序於首宋  
志載庭芳註哀江南賦而不及此註則逸亡  
之久可知云天瀑又識

